

Produccion orala */25 ponches*

L'espròva se debana en tres partidas : un entreten, un monològ e un exercici en interaccion.
Dura 10 minutas. Avètz 10 minutas de preparacion pels exercicis 2 e 3.

1) Entreten (3 minutas)

Presentatz vòstre léser favorit : descrivètz-lo, quant de temps i consacratz ? Lo practicatz dins una associacion o solet ? Qué vos agrada lo mai dins aquela activitat ? Quin limit vesètz a aquela practica ?... L'examinator vos pausa de questions complementàrias sus aquel subjècte.

2) Monològ (2 minutas)

Parlar del temps que fa.

Tiratz un imatge a l'azard, comentatz las condicions meteorologicas que presenta. Religatz aquelas condicions a vòstra experiéncia personala (es un temps que vos agrada ? De condicions qu'avètz ja viscudas dins lo passat ? Qué fasètz generalament quand fa aquel temps ? ...)
L'examinator vos escota parlar sens vos interrompre.

3) Interaccion (5 minutas)

Devètz simular un dialòg amb l'examinator per resòlvre una situacion de la vida vidanta. La situacion de jogar es la seguenta :

Vos e un amic vòstre (amiga vòstra) avètz lo projècte de partejar un apartament a Tolosa.

Avètz començadas las recèrcas e vos caldrà causir lo lòtjament mai adaptat a vòstres besonhs donat que :

- avètz pas de veitura
- volètz pas dormir dins la meteissa cambra que vòstre(-a) collocatari (-ària)

L'examinator(-tritz) jugarà lo ròtle de l'amic (amiga).